



12228

清菴齋集



清苑齋集

哀山民

永嘉趙師秀紫芝甫著



憶君初病時倉皇造君榻知爲寒所中脛痺連  
左胛蔣子丹有神三日能屈伸五日扶杖立十  
日行逡巡於時數相見談娛靡會倦啜茶猶滿  
甌改詩忽盈卷君亦疑勿藥春和可爲樂仙家  
桃最紅同踐天台約多愁積如山令君心不開  
殘疴故未去澀齧腸腑開岳僧有烈劑倒篋得

清苑齋集

一讀書齋正本

餘惠服之汗灑漿事與東流逝啼妻無完裙弱  
子猶哀麕詩人例窮苦窮死更憐君君如三秋  
草不見一日好根芟霜霰侵萎絕嗟何早哭君  
日無光思君月照牀猶疑君不死猛省欲顛狂  
昨者君未疾相過不論日晴窗春翦蒲寒爐夜  
煨栗石堦苔蘚中猶有舊行蹤憂心不能寐無  
夢得相逢君詩如賈島勁筆幹天巧昔爲人所  
稱今爲人所寶石峯云有地葬從朋友議須求  
侍郎銘難見山民字平生翁與徐南去久無書

不知聞信後涕淚當何如寫池煙水暮苑是西  
川路虛言楚客招終感向生賦

後哀

交交谷鳥哀鬱鬱澗松折山民無還期春物失  
怡悅平生感斯人難以常理說共智已則愚忽  
巧衆亦拙芳名信可垂在世何寂滅含悽爲卜  
兆窀穸利茲月行當宿草生當使我淚歇未知  
百年後誰復耕此穴寄言苦吟者勿棄攝生訣

和陳水雲湖莊韻

清苑齋集

二讀畫齋正本

粼粼水增波疊疊雲弄影昔誇春徑妍今愛秋  
塘淨芳筵集賓彥清宴除豔靜時當新雨餘蒼  
翠獻林嶺旣忻冲抱舒復快遠目騁仰嘉鍾鼎  
人而迺眷箕穎深營察高趣雅詠發沈景獨使  
和者難一夕愁欲瘦

敬謝章泉趙昌甫二十韻

耆舊半凋落在者如晨星與翁別豫章十見草  
木青人生幾堪別夢寐生羽翎迢迢玉溪波近  
作嘗再經攜家事多難所至那得停山中空望

來日夕不掩肩豈獨負茲約尺書亦沈冥逢人  
間消息但喜言康寧墮來兩卷什一以慰飄零  
感此故意宏不我迹以形文章出晚歲字畫猶  
壯齡誦之西湖濱驚動孤山靈翁卷遊崆峒一  
已煩郵鈴幸翁良未衰吾黨存典刑遙聞曾入  
郭諒爲韓與丁郡齋待且久幾宿澗上亭今春  
少晴時澗水應泠泠歸來安穩否薰風入林垆  
願言愛玉骨逍遙臥殊庭會面雖未期忽聚江  
湖萍

清苑齋集

三讀書齋正本

官田之集翁聘君失期陳伯壽賦詩率

爾次韻

好水不厭闊好風不厭涼況有十頃荷荷風媚  
波光主人昔謂余此境不可忘舉觴集羣英期  
以朝未央清歡遣絲竹善謔停優倡快若魚脫  
網適比鴛在梁搴芳衣履溼飲淥肌骨香操觚  
賦相聯妙續楚九章苦吟墮饑蟬巧詠發輕簧  
常勝或倒戈突出或擅場或峙而遽蹴或抑而  
載揚所欠獨巨翁不使人意強孱爾何爲竭

颯立在傍有閒衆稍嘿談辯忽汪洋夕風亦損  
荷萬事付巨量

九客一羽衣泛舟分韻得尊字就送朱

幾仲

人生苦形役不定如車轅況各異鄉井忽此同  
酒尊酒尊豈易同意乃有數存西湖雪未成兩  
山翠相奔山根日照樹花放林逋村野饌具麋  
藿一飽厭百飧有客何多髯吐氣鄰芳蓀慷慨  
念時事所惜智者昏矻療匪無術諱疾何由論  
北望徒太息歸歟尋故園哆然黃冠師笑請子  
勿喧東南守太乙此宿福所屯吾子且飲酒滔  
冷爲子溫

哭徐璣五首

君早抱奇質獲與有道親微官漫不遇泊然安  
賤貧心夷語自秀一洗世士陳使其養以年鮑  
謝焉足鄰

昔吾與君遊嫌疎不嫌數自爲貧窶驅十載九  
離索前年會京都勗我返林薄吾貧未得歸君

死不可作

思君氣實充不與短折類血死匪無由恐是服  
椒罪君於藥自深何獨此乎昧豈不聞仙人餌  
菖得千歲

平生於所學常若喪其敏臨池雖未成池水黑  
已盡傳來葉嶺帖遂與蘭亭近凡茲究極功亦  
足損肝腎

道暉愛江籬吾子思單老生念死不滅應會沅  
湘道空山獨靈舒閉戶守枯槁風雪將歲闌凋

零此懷抱

清苑齋集

五讀畫齋正本

桐柏觀

山深地忽平縹緲見殊庭瀑近春風溼松多曉  
日青石壇遺鶴一作鶴羽粉壁剝龍形道士王靈

寶

一作林

輕強滿百齡

楊柳塘寄徐照

因貧為遠別已是十三程盡日行山色逢人問  
地名近書無便寄新句與誰評想爾寒宵雨思  
予亦夢成

贈孔道士

生來還姓孔何不戴儒冠詩好逢人誦琴清只  
自彈訪師行郡遠愛竹透菴寒見說丹爐內黃  
金化不難

舟行寄翁十

舟行風色好波面去迢迢取爾詩重讀令吾病  
欲銷江禽停晚樹澗水入秋潮已覺懷人極分  
攜始一朝

縉雲縣宿

清苑齋集

六讀書齋正本

親知因別久具酒勞經過古邑居人少春寒入  
夜多雨香仙地藥燭動石橋波稍覺離家遠鄉  
音一半訛

進賢道中

半月逢梅雨初晴客意消鶯聲臨野水松影臥  
新苗少憩休輿卒閑行過板橋平生無飲分空  
愧酒旗招

冷泉夜坐

衆境碧沈沈前峯月正臨樓鐘晴聽響池水夜

觀深清淨非人世虛空是佛心卻尋來處宿風  
起古松林

筠州郡庠山亭

一來高處望遠近盡秋容秀氣歸才子清風屬  
釣翁溪晴分別港山闕見他峯獨憶良宵月無  
因宿此中

延禧觀

寂寞古仙宮松林常有風鶴毛兼葉下井氣與  
雲同昔日苔磚紫多年粉壁紅相傳陶縣令會

清苑齋集

七讀畫齋正本

住此山中

撫欄

撫欄驚歲月久住欲如何水國花開早春城人  
上多病令詩懶作閑喜客頻過聽說邊頭事時  
賢策在和

寄趙昌父

逃名逃未得幾載住章泉便使重承詔多應不  
議邊高風時所繫新集世方傳憶就江樓別雪  
晴江月圓

贈張亦

相逢楚澤中語罷各西東  
天下方無事男兒未  
有功邊風吹面黑市酒到腸空  
早作歸耕計吾  
舟俟爾同

贈達西堂

秋水數枝蓮在師房一邊  
固應通淨理不復念  
生緣舊願醅初滿靈方許  
盡傳閑詢曾住寺如  
夢已茫然

送湯干

清苑齋集

八讀畫齋正本

能文兼悟性前是惠休身  
爲選來京邑因吟訪  
野人所居纔隔水不見忽  
經旬何事云歸速儒  
官拜敕新

石門僧

石門幽絕甚獨有一禪僧  
寺廢餘鐘在房高過  
客登山蜂成苦蜜崖溜結  
空冰如此冬寒月他  
人住豈能

秋色

幽人愛秋色祇爲屬吟情  
一片葉初落數聯詩

已清瘦便藤杖細涼覺葛衣輕門外蕭蕭徑今年菊自生

簡同行翁靈舒

久晴灘磧衆舟楫後先行終日不相見與君如各程水禽多雪色野笛忽一作秋聲必若有新成句溪流合讓清

信州草衣寺

芙蕖四五枝寂寞在空池難見草衣土空看宴坐碑香煙思盛日詩句記游時欲問臺中鶴長

清苑齋集

九續畫齋正本

松自不知

靈山閣見二徐友舊題句

一面見溪水三邊皆翠微晚來虛檻外秋近白雲飛重至恰身老同吟感客非靈山自如畫依舊隔斜暉

秋屏作

凡有欄干處秋來遍往還就中惟此地全得見西山鴈落遙沙小人登廢壘閑因憐一州景皆在夕陽閒

送沈莊可

清事貧人占斯言恐是虛與花方作譜爲米又  
持書時節寒相近山林拙未除西江風浪急送  
子一愁予

送周端常之建康

高名聞已久方策有文雕接得詩人信知從諫  
議招住遙勞枉刺去速恨移橈何處逢黃菊秋  
風故六朝

贈易道士

清苑齋集

十讀畫齋正本

仙帔畫霞雪多年侍玉宸古於莊子貌貴似呂  
公身詩好當開板丹靈不化銀舊山新築觀惟  
夢得歸頻

送輝上人再住空相

忽然聞受請鐵錫指秋風寺在寒城裏州居野  
水中生緣拋未盡舊講續應終不用相尋別淨  
雲去住同

寄薛景石

虛窗風颯然獨臥聽殘蟬家務貧多闕詩篇老

漸圓清秋添一月故里別三年最憶君門首黃  
花市野泉

送徐璣赴永州掾

二水鴻飛外君今問去程家貧難擇宦身遠易  
成名入署梅花落過汀蕙草生莫因饒楚思詞  
體失和平

巖居僧

開扉在一作坐石層盡一作終日少人登一鳥過寒

木數一作幾花搖翠藤苔煎冰下水香炷佛前燈

清苑齋集

上讀畫齋正本

吾亦逃名者何因似此僧

安仁道中

行盡沿溪路天寒歲又除欲消冰似雪初長麥  
如蔬於世無成事何時有定居等緣貧所役為  
仕媿為漁

壕上

遠近人家住過橋路盡通野田行瘦馬淺渚聚  
羣鴻池靜微泉響天寒落日紅若非身作吏不  
道是城中

月夜懷徐照

月色一庭深迢遙千里心湘江連底見秋客與  
誰吟寒入吹城角光凝宿竹禽亦知同不寢難  
得夢相尋

送倪道士之廬山

近方辭地肺本自住天台有鶴相同出無雲作  
伴回道房隨處借詩板逐時開又說廬山去閑  
看瀑布來

送鄧漢卿

清苑齋集

十三讀畫齋正本

我亦將歸者先行極羨君惟因交已久頗覺意  
難分江滿帆侵樹山高燒入雲他年有書札彼  
此訪耕耘

徐孺子宅

今識高眠處滄波是切鄰已知難卽鹿惟有獨  
潛鱗草長過荷葉藤深失樹身閑思昔微子猶  
自得稱仁

德安道中

餐餘行數步稍覺一身和蠶月人家閉春山瀑

布多鶯啼聲出樹花落片隨波前路東林近慚  
因捧檄過

徐靈暉挽詞

在生貧不害早喪可嗟吁天下黃金有人閒好  
句無魂應湘水去名與浪仙俱平日惟耽茗墳  
前種幾株

太平山讀書寄城中諸友

野人無別事故得坐空林黃卷還鋪日青蓮未  
悟心鐸音山殿靜螢影石池深不敢邀芳屣因

清苑齋集

十三讀書齋正本

閑儻一尋

大龍湫

一派落虛空如何畫得同高風吹作雨低日射  
成虹西域書會說先朝路始通或言龍已去幽  
處別爲宮

宿徐靈暉山舍

分坐橋邊石同歸原上村窺燈禽出樹聞語僕  
開門雪後挑蔬潔更深貰酒渾極知高臥久吾  
賤不能倫

鴈蕩寶冠寺

行向石欄立清寒不可云流來橋下水半疑一作  
是洞中雲欲住逢年盡因吟過夜分蕩陰當絕  
頂一鴈未曾聞

贈約老

一徑入深竹數楹臨古溝更無人共住極喜客  
來遊白髮長垂領新茶綠滿甌自言門外寺皆  
是老僧修

送薛子舒赴華亭船官

清苑齋集

十四讀 真齋正本

竹籠盛書去遙知官事閑水程春有雨海岸曉  
無山奧理漸摩後清名護養閒坐曹觀劍木意  
與易相關

翠巖寺

石巖看不見翠色自重重春雨生松葉山風響  
鐵鐘碑頑工費墨草嫩綠添茸住院吳僧老相  
迎憶舊逢

送黃叔向謁楊伯子

嘗聞事將壇何得復儒冠口誦新詩句身呈舊

箭瘢賞因貧未受愁擬醉相寬當伏湖州牧應  
憐志士寒

荅葉司理

寂寞坐高齋兵來與訊偕喜看君字畫癯似我  
形骸頗欲徵陳作遙知動遠懷夢魂思一遇風  
雨暗長淮

薛氏

一作薛師石

瓜廬

不作封侯念悠然遠世紛惟應種瓜事一作日猶  
被讀書分野水多於地春山半是雲吾生嫌已

清苑齋集

五讀畫齋正本

老學圃未

一作不如君

送徐道暉遊湘水

春盡雨霏霏春寒猶在衣人尋香草去鴈背遠  
峯歸瀟水添湘閣唐碑入宋稀應知名與姓題  
寫遍巖扉

劉隱君山居

嫌在城中住全家入翠微開松通月過接竹引  
泉歸慮淡頭無白詩清貌不肥必無車馬至猶  
掩向巖扉

官舍初成

爲宅傍城牆先求夏日涼  
鑿池容衆水栽竹斷斜陽  
官是三年滿身無一事忙  
不知何補報安坐恐難當

會景軒

此中非一景欲狀固難名  
江近秋陰早山多曉氣清  
斷雲分樹泊饑鶴下田行  
別擬深更至虛空看月明

和朱子發韻兼簡青龍諸友二首

清苑齋集

十六讀書齋正本

巷南與巷北相去路無多  
以我常孤坐勞君數見過  
望山嫌夕靄聽雨想春波  
稍俟晴明日相攜一醉歌

雖說京華住西湖豈不清  
病多妨野興貧甚損詩情  
插柳觀春意粘碑隔市聲  
松江幾閒客日夕聽波鳴

桃花寺

舊有桃花樹人呼寺故云  
石幽秋鷺上灘遠夜僧聞  
汲井連黃葉登臺散白雲  
燒丹勾漏令無

處不逢君

送蔣節推赴岳陽

君山那可上四面是層波此地風煙古前人賦  
詠多征帆衝鴈字官舍近漁歌況爾修真者回  
仙必見過

大慈道

青苔生滿路人跡至應稀小寺鳴鐘晚深林透  
日微野花春後發山鳥澗中飛或有相逢者多  
因採藥歸

清苑齋集

七讀書齋正本

送湯主簿

扶起堦前菊秋霖苦未休更逢千里別早白一  
年頭客借程文看見分賜服收還家有新興佳  
句入書郵

送潘景參赴利路帳幹

蜀道如天遠攜家難計程不從三峽過免聽幾  
猿聲戍密野花少棧虛山雨鳴同年同寂寞此  
去子成名

水際

水際移居晚薰風綠滿汀密萍妨下釣高柳礙  
觀星忙是僧相過閑惟雨可聽尋思非久計終  
憶自柴扁

扶欄

強起扶欄立新寒陡見侵鐘聲諸寺曉柳蔭半  
池陰病久方憑艾貧深或夢金湖邊好風日孤  
負幾登臨

葛翁小閣

樹色對疎櫺橫陳一片清微風楊葉下斜日竹

清苑齋集

六  
讀畫齋正本

稍明此老無塵事雙姝亦道情客來憐素壁題  
句不題名

柳下書齋

轉曲認幽棲齋名壁上題柳遮船步水草出瓦  
溝泥養靜拋書冊銷閑倚杖藜誰知鳳城外宛  
是武陵溪

贈陳宗之

一作贈賣  
書陳秀才

四圍皆古今永日坐中心門對官河水簷依綠  
樹陰每留名士飲屢索老夫吟最感書燒盡時

容借檢尋

謝耕道犁春圖

春雨年年有良田歲歲無何因將此事須要畫  
爲圖野水寒初退平林綠半敷長謠謝沮溺未  
必子知吾

栗禁

宵長非一夢欲記已迷茫照鏡枯於腊梳頭落  
似霜病痾如退愈貧屢又商量所嗜惟崖栗今  
年不敢嘗

清苑齋集

十九讀畫齋正本

盧申之載酒舟中分韻得明字

閑人閑處住載酒荷高情小舍寧容客同舟卻  
向城弄花忘晝暑憂穀念秋晴歸路雖無月銀  
河亦自明

送眞直院出使江東

一節鑄黃金翩然別禁林幾於言事日已作去  
朝心有識愁雖結無慚喜自深江邊瞻使者誰  
不敬曾參

千日

千日方過半何因便得還就令凡事易不及此  
身閑種木憐官地登城憶自山苦吟無愛者寫  
在戶庭閒

贈湯巾

黃金榜內人枉刺忽相親怪得名差異吟來句  
極新獨眠秋寺雨罕踏帝城塵何限高科客因  
容不重身

贈張亦

一別無書信相逢各老蒼山川烽外遠歲月夢

清苑齋集

子讀畫齋正本

中長空橐成詩草單衣漉酒香因言滾溪宴同  
憶舊時狂

徐先輩挽詞

豈謂聲名早番成不遇非賦曾天子見詩有世  
人知忽種松三尺終乖桂一枝幽芳誰與誌御  
史念壘篔

徐侍郎挽詞

少贊經綸業周家已卜年謗興無白日心在有  
青天遷謫還迎母艱危復用賢未令吾道泰星

殞灌城邊

訪韓仲止不遇題澗上

隔澗竹扉深蒼童引客尋雖然乖晤語猶得見  
園林野蔓時妨步山蟬亦好吟石根泉數斗清  
冷應人心

龜峯寺

石路入青蓮來遊出偶然峯高秋月射巖裂野  
煙穿螢冷粘櫻上僧閑坐井邊虛堂留一宿宛  
似鴈山眠

清苑齋集

王讀畫齋正本

貴溪夜泊寄趙昌甫

著草占秋動逢秋早得歸本非爲事迫不欲與  
心違波淨孤螢度宵涼數葉飛遠懷高臥者微  
月閉松扉

送趙判官

三歲蓮華幕何曾仕者同開牆通野客分樹借  
江鴻與世如無味於民自有功神仙今已近不  
畏引帆風

春晚卽事

一身來作吏白日算徒勞塵土侵衣重年光如  
鬢牢春深禽語改溪落岸沙高柳下垂鈎者吾  
今媿爾曹

沈洞主

案上陰符卷應逢驪母傳無言過永日不食度  
終年雲覆燒丹竈花浮洗藥泉時聞有元虎來  
禮洞門前

和鮑縣尉

留僧秋閣上身自伴僧閑漱齒臨寒水焚香對

清苑齋集

壬讀畫齋正本

遠山野禽偷果去童子借經還餘興成詩句高  
題屋柱閒

停帆

舟過梢人屋停帆去未能野梅皆是刺灘水不  
爲冰里數訛難準官稱俗可憎欲登巖石坐有  
吏復無朋

巖州蕭灑亭

高榭出禪關人家向下看千峯春隔霧數里夜  
聞灘偶至因成宿前遊亦值寒州人多有詠何

不見方干

喜徐道暉至

嗜茶身益瘦兼恐欲通仙近作詩全少閑成畫  
亦傳瀟湘風雪渡嶽石姓名鐫自接來消息朝  
朝問客船

小舟

小舟隨處去幽意日相親野草卷荷葉輕鷗似  
逸人閑思此湖水曾洗幾京塵甚欲營漁屋空  
虛未有因

清苑齋集

玉讀畫齋正本

林逋墓下

梅花千樹白不是舊時村傾我酤來酒酌君仙  
去魂短碑藤倚蔓空冢竹行根猶有歸來鶴清  
時欲與論

寄徐縣丞

自爾爲官去吾扉亦返關池成逢夜雨籬壞出  
秋山歲事登禾稼朝綱去草菅題書寄漳水專  
俟好詩還

示五峯僧

峯形如掌翠相回

一作

環頭白山僧引客看積葉

壞

一作堆

來泥徑滑斜陽移去石橋寒近聞瀑布

尋還遠易得菖蒲采極難分我一峯於此住與

師相聚願辭官

### 荅徐靈因

弊廬補葺雖勞力且得幽閑住此身舊友誤稱  
吟筆長諸親爭笑罷官貧近簷竹密妨巢雀當  
戶花疎見路人所慮久晴田事廢今聞高下雨  
皆勻

### 清苑齋集

子西讀書齋正本

### 寄徐丞

病不窺園經一月更無人跡損青苔池

一作沙

禽

引子銜魚去野蔓開花上竹來亦欲鬢毛休似

雪爭如丹汞只爲灰秋風昨夜吹寒雨有夢南

遊到海迴

### 送爽上人抄化

冒寒獨向何方去爲建靈山閣未能詩卷帶呈  
看疏客藥爐留借共房僧夕陽岸上行枯葉瀑  
布巖前聽折冰事到有緣隨處應回來金碧入

雲層

陳待制湖樓

一作陳水雲與  
造物游之樓

何處飛來縹緲中人閒惟有畫圖同兩層簷幕  
垂無地一片笙簫起半空巖竹倒添秋水碧渚  
蓮平接夕陽紅遊人未達蒙莊旨虛倚欄干面  
面風

送翁卷入山

已送山民歸舊廬子今復去我何如漸成老大  
難為別早占清閑未是疎小雨半畦春種藥寒

清苑齋集

玉讀畫齋正本

燈一盞夜修書有人來問陶貞白說與華陽何  
處居

呈蔣薛二友

一作呈蔣肖  
韓薛師石

中夜清寒入緼袍一杯山茗當香醪鳥飛

一作禽翻

竹葉霜初下人立梅花月正高無欲自然心似  
水有營何止事如毛春來擬約蕭閑伴重上天  
台看海濤

萬年寺

萬年山水有千年石路陰深到繚垣幾片雲開

誰是主一條流水不知源土栽芍藥尤勝木僧  
說獼猴極畏猿夜半空堂諸境寂微聞鐘梵亦  
成喧

暮春書懷寄翁十

帝里逢春雨不乾纔晴數日又春還桐華半落  
官河水榆葉全遮客舍山未悔闊疎令事去最  
憐乏絕壞身閑菖蒲九節今堪采思爾逍遙澗  
谷閒

移居謝友人見過

清苑齋集

去讀畫齋正本

賃得民居亦自清病身於此寄飄零筍從壞砌  
磚中出山在隣家樹上青有井極甘便試茗無  
花可插任空瓶巷南巷北相知少感爾詩人遠  
扣肩

和人韻贈北山僧

又得相逢閑寺裏凡人多笑太無營誰知見事  
心先懶未說尋幽足已輕二月春風添樹色一  
山夜雨失泉聲謝師更作重眠約來往云消雨  
日晴

再遊北山和韻

或行或坐水邊亭處處春風戶不扃飛絮伴人  
雙鬢白遠山學我道衣青迢遙更入煙霏去髻  
髯如會夢寐經恐是前生林處士晚年不飲至  
今醒

寄趙楚州

承明雖妙古云勞小借林邊卻自豪韓信所封  
兵尙勁劉伶會住酒應高牽來寶馬通言語放  
去琯弓落羽毛別有異時人憶處萬株楊柳綠

清苑齋集

三毛讀書齋正本

春壕

多景樓晚望

落日欄干與鴈平往來疑有舊英靈潮生海口  
微茫白麥秀淮南迤邐青遠賈泊舟趨地利老  
僧指甕說州形殘風忽送吹營角聲引邊愁不  
可聽

姑蘇臺作

何人可與話登臨徙倚危欄日又沈千古蒼茫  
青史夢一年迢遞故鄉心天無雨雪梅花早地

有波濤鴈影深爲是夫差舊臺榭愁來不敢越  
人吟

病起

身如瘦鶴已伶俜一臥兼旬更有零朝客偶知  
親送藥野僧相保密持經力微尙覺衣裳重才  
退難徼筆硯靈惟有愛花心未已遍分黃菊插  
空瓶

簡孫正字

空齋兀兀難消日況入中年睡亦疎洗釜煮蔬

清苑齋集

天讀畫齋正本

留客飯卷簾移菊看人鋤秋衣因病全更衲曉  
鬢迎寒半脫梳多謝貴交芸閣裏許令隨意借  
官書

次韻趙正字蟹

噴爾橫行爲多足割爾兩螯如割玉憐爾有甲  
不自衛評爾一身黃勝肉吳江十月天霜寒吳  
入微爾不舉餐萑蒲勿訝束爾急與虎爭強能

上山

借居湖上

出仕歸來貧似舊借園偶近畫橋居縱觀不用  
春攜酒清坐何妨夜讀書港小只通閑客棹樹  
低多礙故人車向時城裏綠塵土久欲湖邊住  
歲餘

送古壺與人

小壺純素無文采驗是殷商物至今損處怕教  
凡手觸鑄時應有吉星臨久藏厚土金聲盡微  
貯清泉翠色深持贈高人安几席爲勾古意入  
新吟

清苑齋集

元元讀書齋正本

贈鄧漢卿

單獨一身長不定亦無書卷得相隨忙過人世  
當閑日老遇朝廷用少時衝雪自言行路苦看  
松長恨買山遲蕭蕭白髮寒燈下寫就詩篇欲  
寄誰

孤山寒食

二一作月芳菲在水邊旅人消困亦隨綠晴舒

蝶翅一作初勻粉雨壓楊花未放綿有句自題

閑處壁無錢難買貴時一作船最憐隱者高眠

地日日春風是筦絃

一作時有山禽當筦絃

葉侍郎送紅芍藥

雕欄迎夏發奇葩不擬分來野客家自洗銅瓶  
插欹側暫令書卷識奢華舊遊尙憶揚州夢麗  
句難同謝朓誇應被花嗔少風味午窗相對一  
杯茶

寄茅山溫尊師

幾度題詩寄入山不知何處得書看莓苔石上  
秋吟星斗壇中夜拜寒鶴改新名呼未至磬

清苑齋集

三字讀畫齋正本

逢斷刻打應難憶師每欲尋師去芝朮栽成自  
可餐

會宿再送子野

又承出郭到貧家一度分攜鬢易華自說印書  
春可寄獨慚闕酒夜難賒眠遲古鼎銷殘火吟  
苦寒缸落細花羸病不能親送別夢魂先立渡  
頭沙

京華病後

久在京華損道心故人誰與念升沈春樓臥病

燕相伴湖寺題詩僧爲吟三月不逢家信至一  
莖新有鬢絲侵早知諫獵非時節只在山中自  
養金

過弋陽

三月三番過弋陽吾生辛苦莫思量磨圓灘石  
幾年浪丹盡江楓昨夜霜已算中途當度牒更  
憐抵舍未爲鄉高眠舊有山中約只欠青驪道  
士方

題方輿化瑩舍

清苑齋集

三讀畫齋正本

晴簷方聽夜淋浪晚送儒臣別建章但欲有言  
扶國是不嫌無計作身防輕舟過處猿頻斷舊  
宅開時菊正黃心事對牀應細語得歸如此亦  
何妨

數日

數日秋風欺病夫盡吹黃葉下庭蕪林疎放得  
遙山出又被雲遮一半無

玉清夜歸

巖前未有桂花開觀裏閑尋道士來微雨過時

松路黑野螢飛出照青苔

池上

朝來行藥向秋池池上秋深病不知一樹木犀  
供夜雨清香移在菊花枝

題四聖觀 道士詩卷

一觀桃花紅似錦兩堤楊柳綠於雲遊人只是  
遊晴晝煙雨朝昏盡屬君

白石巖

誰炷清香禮少君數聲金磬夢中聞起來閑把

清苑齋集

三讀晝齋正本

青衣袖裏得欄干一片雲

再過吳松

江邊無處覓天隨又趁斜陽過渺瀰遠愛柳林  
霜後色一如春至欲黃時

山路懷翁卷

困嘗苔茗不論杯天氣纔晴又有雷寂寞小亭  
看草坐晚風時復墮青梅

采藥徑

十載仙家采藥心春風過了得幽尋如今縱有

相逢處不是桃花是綠陰

午困

午困因書又見尋自添茶鼎候微吟病身未覺  
春風暖柳色無端日日深

約客

黃梅時節家家雨青草池塘處處蛙有約不來  
過夜半閑敲碁子落燈花

清苑齋集

清苑齋集

三三讀書齋正本

嘉慶庚申九月初二日校於鴛湖書院

12228

